



Bjørk Lange Olsen  
Inatsisartunut ilaasortaq, Demokraatit

## Ilagiinni akileraarutitut tunngatillugu apeqquummut § 37 nr. 145/2023 naapertorlugu akissut

25-10-2023  
Sagsnr. 2023 - 24958  
Akt nr. 23499088

Postboks 1029  
3900 Nuuk  
Tlf: +299 34 50 00  
Email: ikin@nanoq.gl  
www.nanoq.gl

Asasara Bjørk Lange Olsen,

Inatsisartut suleriaasiat malillugu apeqquteqaatinnut qujanaq. Ataani akissavakka.

### **Apeqquut 1: Akissarsiallip akileraarutitut akiliutaata procentinngorlugu qanoq annertutigisooq Kalaallit Nunaanni Ilagiinnut isertinneqartarpa?**

**Akissut:** Akissuteqarnissamut Aningaasaqarnermut Akileraartarnermullu Naalakkersuisoqarfik akissummut tapiliussassatsinnik aallerfigisimavarput:

*"Aallaqqaasiutitut maluginiarneqarpoq Nunatta karsiata akileraarutinit isertitassatut iluanaarutissaat suliniutinut aalajangersimasunut immikkoortinneqarsimanngitsut, uani ilanngullugu Kalaallit Nunaanni Ilagiinnut oqaluffiisa aqunneqarnerannut imaluunniit allat suliffeqarfii pillugit. Taamaalilluta oqaluffiit akileraartalernissaannut eqquassinissap nalinginnaasumik aqunneqarnissaa pillugu annertuumik allannguisoqassaaq.*

*Taakkununga nangaassuteqarnerup naatsorsorneqarnera imatut kinguneqassaaq:*

*AIS 2024-mi qupperneq 587-imi takuneqarsinnaavoq, Ilanngaaseereerluni aningaasartuutit Kalaallit Nunaanni Ilageeqarnermi konto 40.97.03-mi missingersuutigineqarsimasut 51,7 mio.kr. 2024-mut. 2022-mili aningaasartuutigineqarsimapput 55,1 mio. kr.*

*Inunnut 42.749-nut 14-nik ukioqalereersimasunut 2022-mi akileraartussaataaneq 11,51 mia. kr.-nik annertussuseqarsimavoq katillugillu iluanaarutaasussatut 4.113 millioner kr. inummut akileraarutitigut isertitassat katillugit kisinneqarsimapput (tamanna Kalaallit Nunaanni Naatsorsueqqissaartarfik malillugu).*

*Tamannalu imatut naleqarpoq, oqaluffinnik aqutsinermi aningaasartuutit 2022-mi annertussusaat (55,1 mio. / 11,51 mia. kr.) = 0,48% inuup isertitaanit akileraartussaataaneq katillugu.*

*Taakku taaneqartut saniatigut aqutsinermut aningaasartuuteqarpoq nutartserinermut aamma nutaanik oqaluffiornernut. Taakkulu ukiumut aningaasanut inatsimmiipput, tamannalu inussiarnersumik innersuussutigaaarput.*

*Iliveqarfiit aserfallatsaalineqarnissaat kommunip iluaniippoq tamannalu aningaasartuutaavoq annertunngitsoq, soorlu assersuutigalugu Kommuneqarfik Sermersooq 346.000 kr. missaannik (2022)".*

**Apeqqu 1a: Naalackersuisut naliliinerisigut tulluurtumik procentinngorlugu qanoq annertutigisooq ilagiinnut akileraarutaasinnaavaa, Inatsisartut aalajangissagaluarpata immikkut ilagiinnut akileraarusersuineq eqqunneqassasoq?**

**Akissut:** Akissuteqarnissamut Aningaasaqarnermut Akileraartarnermullu Naalackersuisooqarfik akissummut tapiliussassatsinnik aallerfigisimavarput, imatullu ilisimatitsipput:

*"Aningaasaqarnermut Akileraartarnermullu Naalackersuisooqarfiup oqaluffimmut akileraarusersuineq eqqunneqarnissaanut immikkoortitsinissamut pilersaarutinik ilisimasaqanngillat, aalajangiinissarlu taanna pillugu oqaluffeqarnermut politikikkut eqqarsaatersuutigineqarnissaa unitsinneqarallarsimavoq, tamannalu naalackersuisooqarfiup avataanii akisussaaffigineqarpoq. Oqaluffeqarnermut akileraarut annertuumik allannguisussaammatt oqaluffimmut aqutsinermiinnissaa maannakkut pissutsinut atatillugu naatsorsuutigineqassaaq.*

*Tamakku nangaassutigineqartut naatsorsuinerimullu naleqqiussineq A1 ataani), 2023-mi aallartinnerani 7%-iusimapput nunatsinni ilagiinnut ilaasortaangitsunut. Tamannalu nunatsinni ilagiit oqaluffiannut akiliisoqartarnissaa isumaqarfigineqassappat oqaluffinnut akileraarummik taava immikkut oqaluffimmut akileraarut taaneqassaaq 0,51 %. (0,48% / 0,93 = 0,51%) ukiumut aqutsinermut aningaasartuutit matussusissagaanni 55,1 mio. kr.-nit missaat. Taanna procentiliineq annikitsunnguamik inissisimavoq uani eqqarsaatigineqanngimmata immikkut allaffissornikkut aningaasartuutit aqunneqarnissaat aamma oqaluffimmi akileraarutinik akiliisitsiniarnermi kiisalu soorlu annertuumik nutarterinerimut aningaasartuutit aamma nutaanik sanaartornerit, ullumikkut immikkut sanaartornerimut aningaasaliissutitut akuersissutit aningaasanut inatsimmit ingerlanneqartarput".*

**Apeqqu 2: Immikkut ilagiinnut akileraarummik eqqussisoqassappat Naalackersuisut qanoq isumaqarfigaat, innuttaasut Kalaallit Nunaanni ilagiinnut akiliisannginnissamik toqqagassaqarnissamik periarfissaqalersillugit?**

**a. Naalackersuisut isumaqarpat, tulluurtuusoq, Kalaallit Nunaanni ilagiit oqaluusaannit innuttaasut allamik upperisaqartut, Kalaallit Nunaanni ilagiit ingerlanneqarnerannut akileeqataasassasut?**

**Akissut:** Apeqqu 2 aamma 2a ataatsimut akineqassapput.

Oqaluffimmut immikkut akileraarummik eqqussiniarnermut apeqqu pillugu Kalaallit Nunaanni ilagiit ilaasortaannit taamaallaat akilerneqartartussaq, taava taanna qulequtaq

siornatigut Inatsisartuni oqallisigineqareersimavoq. Naalakkersuisut aallaqqaasiutitut tikkuarusuppaat nunatsinni aningaasaleeriaaseq Kalaallit Nunaanni Ilagiit pillugit Inatsisinut tunngaviusunit § 68-imut akerliunnginnissaa, upperisarsiornermut kiffaanngissuseqarnermik imaqartoq eqqarsaatigalugu.

Inatsimmi tunngaviusumi § 68-imi malitsigineqartut kinaluunniit pisussaatitaanngitsoq nammineq upperisaminut guutisiornermut tunngatillugu tapiuteqarnissaminut. Tamanna malitseqarpoq Qallunaat Nunaanni ilagiinni ilaasortat pisussaatitaannginnerat oqaluffimmut akileraarummik akiliisarnissaminut, tamanna inuttut tapiissutitut naatsorsuutigineqarsinnaammat taamaalillunilu § 68-imut akerliulluni. Tunngaviusumik inatsit Qallunaat Nunaata naalagaaffianiittunut tamanut atuuppoq, uani aamma Kalaallit Nunaat Kalaallit Nunaannilu ilagiit ilanngullugit.

Immikkut oqaluffimmut akileraaruteqanngeriaratta inuttut nammineq tapiissutitut taaneqarsinnaanngilaq, taamaalillunilu Inatsimmi tunngaviusumi § 68-imut atatillugu aporaattoqarani aamma kalaallit innuttaasut akileraartartut Kalaallit Nunaanni Ilagiinnut akiliutaat pillugu.


Ilagiinnut aningaasaliissutit nalinginnaasumik akileraarutitut- akileraartarnermullu periutsimiipput, taakkulu ilagiinnut ilaasortanit ilaasortaanngitsunillu akilerneqartarput, taamaalillutillu tunngaviusumik inatsisip sinaakkutaasa iluaniillutik.

Kalaallit Nunaanni Ilagiit Namminersorlutik Oqartussat kommunillu sullittarpat suliassanik arlaqartunik aamma upperisarsiornermut tunngasuunngitsunik. Kalaallit Nunaanni Ilagiit innuttaasunut allattorsimaffik ilisisarnerlu isumagisarivaat. Siunnersuuteqartup anguniagarisimappagu upperisaq upperisarsiornerullu inuup nammineq akisussaaffigigaa pillugu qularnaarneqassasoq, taassuminnga qulakkeerinninneq allaffissornikkut suliassatigut allamut nuutsinermik piomasaaqatitaqassaaq, maannakuugallartoq Kalaallit Nunaanni Ilagiit tamanna suliaraat.

***Apeqqut 3: Eqqartukkamut tunngasunik allanik soqutiginaatilinnik Naalakkersuisut paasissutissiisnaappat?***

**Akissut:** Naalakkersuisut allanik paasissutissaateqanngillat.

Inussiarnersumik inuulluaqqusillunga

  
Aqqaaluaq B. Egede